

## 2009 წლის ბაზაფხულის სემესტრი

### სამაგისტრო პროგრამის დასასრულება

#### ზოგადი მენეჯმენტი

მისანიჭებელი აკადემიური ხარისხი – ბიზნესის ადმინისტრირების მაგისტრი  
(ზოგადი მენეჯმენტი)(MBA in General Management)

#### სამაგისტრო პროგრამის ხელმძღვანელი

ასოცირებული პროფესორი გ. შიხაშვილი,



#### გიორგი შიხაშვილი

- თსუ ეკონომიკისა და ბიზნესის ფაკულტეტის მენეჯმენტისა და ადმინისტრირების კათედრის ასოცირებული პროფესორი, ეკონომიკის აკადემიური დოქტორი,
- თსუ ეკონომიკისა და ბიზნესის ფაკულტეტის მენეჯმენტისა და ადმინისტრირების კათედრა
- ქ. თბილისი, უნივერსიტეტის ქ. №2, ოთახი №608  
ეკონომიკისა და ბიზნესის ფაკულტეტი  
(832) 30 32 17; 899 97 54 24,  
e-mail: [geokeria@yahoo.com](mailto:geokeria@yahoo.com)
- ბოლო 5 წლის განმავლობაში წაკითხული სალექციო კურსები:
  - ✓ მენეჯმენტი
  - ✓ პროექტ-მენეჯმენტი
  - ✓ საერთაშორისო პროექტების მართვა
  - ✓ ეკოლოგიური მენეჯმენტი
  - ✓ არაკომერციული ორგანიზაციების მართვა
- სამეცნიერო კვლევის სფეროები:
  - ☑ მენეჯმენტის თეორია და მმართველობითი პრაქტიკა
  - ☑ პროექტების მართვის თეორია
  - ☑ თეოლოგიური ეკონომიკა და საეკლესიო-სამონასტრო მეურნეობის მართვა
  - ☑ მცირე ბიზნესის ორგანიზაცია
  - ☑ ეკონომიკური და ბიზნეს-სამენეჯმენტო დისციპლინების სწავლების უახლესი ტექნოლოგიები

## სამაგისტრო პროგრამაზე მიღების წინაპირობები

კონკურსანტს უნდა ჰქონდეს ბაკალავრის აკადემიური ხარისხი (სასურველია ბიზნესის ადმინისტრირების და/ან ეკონომიკის სფეროში); უნდა ფლობდეს უცხოურ (ინგლისურ, გერმანულ, ფრანგულ ან რუსულ) ენას B1 დონეზე. მისაღები გამოცდები ტარდება უნივერსიტეტში დადგენილი წესით.

## სამაგისტრო პროგრამის საკვალიფიკაციო დანახაიათება

- **მიზანი** – პროგრამის მიზანია, მოამზადოს მენეჯერები, რომლებიც უზრუნველყოფენ ორგანიზაციების ბიზნეს-სტრატეგიების დაგეგმვას, ეფექტურ მართვას, ორგანიზაციულ დაპროექტებას და ორგანიზაციული სტრუქტურის განვითარებას. სწავლის დასრულების შემდგომ კურსდამთავრებულებმა უნდა შეეძლოთ წარმატებით გადაჭრან სამმართველო, ორგანიზაციული, ეკონომიკური, საფინანსო, ინფორმაციულ-ანალიტიკური, სამეცნიერო-კვლევითი, მეთოდური, საკონსულტაციო, ინოვაციური და სხვა სახის ამოცანები.
- **შედეგი** – მომავალმა მენეჯერმა უნდა იცოდეს:
  - ☑ ეკონომიკური განვითარების თანამედროვე ტენდენციები და ეკონომიკური სისტემების ფუნქციონირების პირობები (ფისკალური, ფულად-საკრედიტო, სოციალური, საინვესტიციო და სხვა პოლიტიკის ძირითადი მახასიათებლები)
  - ☑ მენეჯმენტის მეთოდოლოგიური და ორგანიზაციულ-სამართლებრივი ასპექტები, ბიზნეს-ორგანიზაციის მართვის ინტეგრირებული სისტემების კომპონენტები
  - ☑ ინფორმაციის მიღება და დამუშავება, აგრეთვე მათემატიკური მოდელირებისა და კომპიუტერული ტექნოლოგიების, სოციალურ-ეკონომიკური დიაგნოსტიკის თანამედროვე მეთოდების გამოყენება
  - ☑ მიკროეკონომიკურ დონეზე ორგანიზაციული პოტენციალის შეფასება და ბიზნესის ეფექტიანი სტრატეგიების შემუშავება, პროექტული მენეჯმენტის განხორციელება
  - ☑ ბაზრის მარკეტინგული კვლევა და საზოგადოებასთან ურთიერთობა. ბიზნესის ადმინისტრირების მაგისტრმა სწავლის პერიოდში უნდა გამოიმუშაოს შემდეგი უნარ-ჩვევები:

- სამეწარმეო ამოცანებიდან გამომდინარე, ინტეგრირებული პროექტების დამუშავება და სტრატეგიების (ბიზნეს-გეგმების) რეალიზაცია
- ლიტერატურული წყაროებისა და პრაქტიკული მონაცემების კრიტიკული ანალიზისა და სინთეზის გზით დასაბუთებული დასკვნების შემუშავება
- ჯგუფური მუშაობისა და მოლაპარაკებების წარმოების ტექნოლოგია
- კომუნიკაბელურობა და ობიექტური თვითშეფასება
- გაწეული მუშაობის ანგარიშების და რეფერატების, სტატიებისა და პუბლიკაციების მომზადება და რედაქტირება
- პროფესიული კომპეტენციის ფარგლებში ამოცანების დასმა და გადაჭრა
- სტრატეგიული და ოპერაციული მენეჯმენტის სისტემური გამოკვლევა, ზოგადი ტენდენციებისა და სიტუაციების კრიტერიალური ანალიზი
- სწავლის აქტიური მეთოდებისა და პროფესიული დახელოვნების თანამედროვე ტექნოლოგიების ათვისებით ხელმძღვანელობის ინდივიდუალური სტილი.

სამაგისტრო პროგრამის წარმატებით დაძლევის შემდეგ, მაგისტრმა უნდა შეძლოს ცოდნისა და პრობლემის გადაჭრის უნარის გამოვლენა ნებისმიერ გარემოში. მას უნდა გააჩნდეს ცოდნის ინტეგრირებისა და თვითგანვითარების ჩვევები, ლოგიკური მსჯელობისა და დასკვნების დასაბუთების, აგრეთვე შემოქმედებითი საქმიანობის უნარი. მანვე უნდა შეძლოს დამოუკიდებელი სწავლისა და სწავლების ორგანიზება, საჯარო გამოსვლები და საქმიანი შეხვედრების წარმართვა.

- **დასაქმება.** კურსდამთავრებულებს ფართო პროფილით განათლება საშუალებას აძლევთ წარმატებით დასაქმდნენ ეკონომიკური, საწარმოო და სოციალური ინფრასტრუქტურის ორგანიზაციებში, კერძო და სახელმწიფო სექტორის საწარმოთა მენეჯერებად, სახელმწიფო მმართველობის დაწესებულებებში. მათ ასევე წარმატებით შეუძლიათ იმოღვაწონ არაკომერციული და არასამთავრობო ორგანიზაციების ადმინისტრატორებად, აგრეთვე აწარმოონ სამეცნიერო-კვლევითი სამუშაოები და მმართველობითი კონსალტინგი.
- **სწავლის გაგრძელება.** MBA მაგისტრი სპეციალობით ზოგადი მენეჯმენტი, რომელსაც მიენიჭება მენეჯერის პროფესიული კვალიფიკაცია, მომზადებულია დოქტორანტურაში DBA და PHD პროგრამებით განათლების გასაგრძელებლად.

